

# INUIT ATAQATIGIIT INATSISARTUNI



UPA26/73

17.06.2026

Kristian Jeremiassen

## **Nunatsinni piniartut aalisartullu inuuniutaat eqqarsaatigalugu piniakkanut aalisakkanullu ulluliisarnertit ullutsinnut naleqquttuunersut pillugit oqallisissiatut siunnersuut**

(Inatsisartunut ilaasortaq Gerth Mikaelson, Naleraq)

### **Apeqquteqaat aallaavigalugu oqallisissiaq:**

Piniakkanik tamanik nungusaataasumik piniarneq Nunatsinni ileqqorinngilarput siulingut qajaannarmilli piniarnerisa aallartinneraniit, avataaniilli arfanniat orsoq ikummatissatut atorniarlugu sineriatinni annertuumik piniapilunnikuupput, arfanniarnermullu annertuumik sunniuteqarluni.

Imaatingut piniarnermi kulturerput aallaavigalugu qaannamik pisassiissutit ullumikkornit periarfissat pittaannerusariaqarput, qaannamik piniarsinnaaneq piniakkanik nungusaataanermik aallaaveqanngilaq tamannalu ullumikkut nukittunerusumik inissisimanissaa Inuit Ataqatigiit kissaatigivarput, ima ersarissumik oqaatingalungu kulturikkut pisassat qaannamik periarfissat an-nertunerunissaat pisariaqarpoq qaannap tammattaalinera eqqarsaatigalugu kulturittalu attattuarnissaa kingulissatsinnut ingerlateqqinneqarnissaa tassuu-nakkut qulakkeerinnissangatta.

Taamatut Inuit Ataqatigiit aallarniuteqarsin-narluta apeqquteqaat aallaavigalugu Inatsisartunut ilaasortaq Gerth Mikaelson partii Naleraq saqqummiussaa imatut Inuit Ataqatigiit oqaaseqarfingissavarput:

Silap pissusaa 2000-ip aallartinneraniit allanngoqaaq, siornatingummi issinnerusarpoq aammalu sikusarluni, tassa taamani silap pissusia allanngoqaaq maannalu issikinnerunera aammalu sikuniartarnera kingusippoq piffiillu ilaanni "Sikupalaaq"

# INUIT ATAQATIGIIT INATSISARTUNI



atungassaangittoq atorneqarnerulersimavoq, tassa umiatsiamik aammalu qimussimik angalaffissaangittoq, nalinginnaavoq sikuniartarnerata kingusinnera sikuaarnerusalernalu tamannalu piniangassanut aamma sunniuteqarpoq ingerlaatarnerinullu, tassa piniartut aalisartut ilisimasaat pisariaqarput piniariaasitta allanngortinnissaanut piniakkanut killilersukkanut tamannalu aamma malitseqarpoq ilisimatuussutsikkut ilisimasat pinngortita-leriffiullu ilisimasaat ataatsimut kattunnissaat aalisartunni piniartut aammalu pinngortitaleriffik ilisimasaqarput.

tamakkualu ataatsimoortikkaanni uangut Kalaallit nammineq inooriaaserput piniariaaserput nukittorsarlugu piniakkat killilersukkat piniarnerillu ullui allanngortinnissaat pisariaqarpoq. Inuit Ataqatigiit oqaatingissavarput killilersueriaaseq silap pissusaanut piniakkallu amerlassusiinut naleqqussaanis-saq pisariaqarpoq pissutsimmi ukiuni kingullerni allanngornikooqaat

Imatut ersarissassavarput Inuit Ataqatigiit apeqquteqaat aallaavigalugu oqallinnermi siunissami siunnersuuteqartoqassappat oqaatsit atorneqassangittut allanngortitsisugut isummatinnik siunissamimi naluarpur siunnersuutissatut taa-sissutissap qulequtaa apeqqutaassammat, tassa imatut paasillugu maanna oqallinneq siammasissorujussuuvoq.

Timmissanik piniartarnerit assersuutingitingu appat tikiuttarput diskobugt-imi piniangaasinnaanatik timmissallu ingerlaarunnaartut ammaqqittarput appat piffissalersuinerit tamakku aamma isumaliutissatta ilangivaat aamma taamaap-poq taateraanut tunngatillungu, taateraat appallu assersuutingineqarmata taakkuinnaangillat kattuffiit aalisartut piniartullu peqatigalugit aqqissuutas-saqarpugut eqqaamassavarpulli nunani tamalaani isumaqatingiissuteqarput isumaqatingiissutingullu nunani tamalaani unioqqutinnginnissaat pingaarute-qartuusoq Inuit Ataqatigiit isumaqarpugut.

Imaassanngilaq nunani tamalaani isumaqatingiissutit malinniarlutigit inuusaaserput kinaassuserpullu kingulliutissangingut taamaassanngilaq nammineq kinaassuserput nunatsinnilu najungaarnerput aallaavingissavarput nunaqarpungummi allanut

# INUIT ATAQATIGIIT INATSISARTUNI



naleqqersuunneqarsinnaanngittumik kinaassutitsinnillu aallaaveqartariaqartumik kisiannili nunarsuarmioqataavu-ngut isumaqatingiissutinillu nunat tamalaat akornanni peqataasarluta.

Tikaangulliit aammalu tikaangulliusaat aalisartut piniartullu akornanni agguariaaseq aamma allaffissornermik annertuumik aallaaveqarpoq, aamma taamaappoq qilaluartassanut tunngatillungu, uumasut miluumasut agguariaaseq inatsisitigut sinaakkuserneqarsimasoq annertuumik aalisartut piniartut sunnerneqartarput ilaatigut inatsisit kipparippallaarneri pissutigalugit tassa pisassat qilaluartassat, tikaangullittassat nungunneqanngittoortarput illoqarfinnut agguanneqarneri pissutigalugit uffa silap pissusaa ukiumiit ukiumut allanngortartoq piniakkallu ingerlaartuungamik naatsorsoruminaat-tuupput taamaammat miluumasunik pisassiinermi illoqarfinniit illoqarfinnut paggannerit pisalersimapput kikkut illoqarfinni nunaqarfinni pisassanik amerlanernik pisassaqaassanersut, pisassat oqinnerusumik pisarineqarsinnaas-sangaluarput oqittumik pisassiisalernikkut taamaalilluni pisassat nungunneqartalersinnaassangaluarput assersuutingalungu kommune qequer-talimmi qilaluartassat eqaannerusumik agguanneqartarpata paggattoqarani pisassat nungunneqarnissaat qulakkeerneqarsinnaangaluartoq kisiannili ajor-nartarpoq piffimmiit piffimmut pisassaqaarnissaq immeraatingineqartarmat.

Qipoqqat ulorianarpoq piffissami matumani assut amerlaneri allaanngilangut qipoqqarnut katersungaasivissuusungut, angalasunut ulorianartorsiortitsipput qipoqqarsuit tassali amerlangaaramik taakkua malunnaatilimmik piniarnissaat aallartinneqartariaqartut Inuit Ataqatigiit isumaqarpugut, isumaqarpungullu kulturikkut pisassanut ilaasariaqartut kalaallit qimmilinnut, qimmillit avataaniit tikisitanik nerisassanik annertoorsuarmik atuipput qipoqqarsuillu amerlingalut-tuinnarlutik ulorianarluinnartumik taamaammat kalaallit qimmiat illersorniarlungu qimmilinnut qipoqqartassiinissamik partiimmita allat qanoq isumaqarpat aammalu Naalakkersuisut? Imminut pilersornermut iluaqutaassaaq tassami diskobugt-imi angalassalluni navianarsinikuuvoq qipoqqarsuit amerlingaarmata taamaammat qimmilinnut aqutamik qipoqqarniarnissamut ammaasoqartariaqarpoq, amerlavallaalerpummi qipoqqat ukiuni

# INUIT ATAQATIGIIT INATSISARTUNI



makkunani allaami diskobugt-i sikusarallarmat qipoqqaqarneq ajorpoq massakut silap pissusaa allanngoruttormat diskobugt-imi ukiisalerput silap allanngornerata kinguneranik.

Nunarput angeqaaq, killilersuinerit assinngiinngittuussapput naleqqussarnissaq pisariaqalersimavoq silap pissusaa allanngornikumattaaq taamaammatt nunami uumasut, imaani uumasut sumiiffinniit sumiiffinut naleqqussaasaan-ngut.

Naggataatingullu oqaatingissavarput killilersuinerit nunap inuinit, nunatsinnut tulluartut atuutsinnissaat pingaartikkatsingu, puijornanguli nunarsuarmioqa-taavungut nunanut tamalaanut isumaqatingiissuteqarpungut nunaqarpungulli nunanut allanut naleqqersuunneqarsinnaanngittumik kulturitsinnut inuusaasitsinnullu aaqqiissuteqarnissaq pingaartuusoq Inuit Ataqatigiit isumaqarpugut.

Taakkuupput apeqquteqaat aallaavigalugu oqallisisissiamut oqaatingerusutangut neriuppungullu siunnerfilimmik oqallinneq ingerlassasoq naaperiarnernik siunissamullu isingisumik oqallikkumaartungut.

Qujanaq.